

NGĀ RAUEMI AROMATAWAI

TĪKAROHIA TE MARAMA



## MAHINGA KAI

PAEREWĀ 19535 (Taurā 4)

Whakaatu mōhiotanga mō tētahi momo ika Māori noho waimāori, mō tētahi momo mātaimai noho waimāori me tōna whaitake ki te iwi Māori

(Kaupae 1, whiwhinga 2)

## PUKAPUKA ĀKONGA



Ingoa

Te Kura

Kaiako/Kaiaromatawai

NSN Nama

NEW ZEALAND QUALIFICATIONS AUTHORITY  
MANA TOHU MĀTAURANGA O AOTEAROAQUALIFY FOR THE FUTURE WORLD  
KIA NOHO TAKATŪ KI TŌ ĀMUA AO!

MĀORI QUALIFICATIONS SERVICES  
NGĀ RATONGA TOHU MĀTAURANGA MĀORI

Tēnā koe

Ko tēnei tō pukapuka aromatawai mō te paerewa 19535: *Whakaatu mōhiotanga mō tētahi momo ika Māori noho waimāori, mō tētahi momo mātaimai noho waimāori me tōna whaitake ki te iwi Māori.*

## Whakarite aromatawai

### Paetae

E RUA (2) ngā tūmahi mō tēnei paerewa, me tika, me oti pai ngā tūmahi.

## He Tohutohu

Mō tēnei paerewa ka rangahau koe:

- i te whaitake o tētahi ika Māori i me tētahi momo mātaimai noho waimāori ki te iwi Māori.
- i ngā āhuatanga i ora tonu ai tētahi ika Māori me tētahi mātaimai noho waimāori i tōna taiao.
- i ngā hononga-ā-taiao o te ika Māori me tētahi mātaimai noho waimāori i tōna taiao.

Anei ētahi ika hei whakaaro māu, ēngari arā atu anō ētahi – īnanga, tuna, kokopu, piharau, kowaro, paraki.

Anei ētahi momo mātaimai hei whakaaro māu, ēngari arā atu anō ētahi – koura, kouraua, pāpaka, kākahi.

## Ngā whakamārama

Tikanga Māori – e ai ki te tika o te mahi e pā ana ki te hauhake/maea e ai ki tēnā iwi, ki tēnā iwi, ki tēnā iwi.

Whakapapa – e pā ana ki te tāhuhu kōrero, ngā kōrero o mua e ai ki tēnā iwi, ki tēnā iwi, ki tēnā iwi.

## Whakakaupapatanga ā mahi

- Me oti pai me tika hoki te whakautu i ngā tūmahi e whiwhi ai i ngā whiwhinga mō tēnei paerewa.
- Mo ngā rauemi, me te kaupapa whakaatu i āu mahi (arā te rorohiko, pūrere whakaahua), me whakawhitiwhiti whakaaro kōrua ko tō kaiako.
- Me mahi ngā mahi e tika ana ki te kura, ēngari mō te rangahau me whakaemi kōrero, he pai te mahi i te wā e wātea ana, e whai wāhi ana rānei.
- Ma tō pouako/kaiaromatawai rānei e whakamārama ngā kaupapa aromatawai anō.
- Ma tō pouako e whakarite i ngā haerenga ki te whare-pukapuka, te marae, ngā huinga toi me ngā whare taonga.
- Ka āhei te mahi takirua, ā-rōpū rānei, ēngari ka takitahi te aromatawai o ia tangata.

## Ngā rauemi

Ngā pukapuka kōrero a te pouako, ngā pūrere whakaahua hei whakaahua i te wā e mahi ana, kōpaki pupuri kōrero, whakaahua, aha atu rānei.

- Anei he pukapuka hei āwhina.
- NZ Fishes, Larry Paul (Revised Edition). Paul, L. J. New Zealand fishes: identification, natural history & fisheries / Larry Paul. Auckland (N.Z.): Reed, 2000.
- Coastal Fishes of NZ, An identification guide, Malcolm Francis. Francis, Malcolm, 1954. Auckland [N.Z.]: Reed, 2001.
- Te Tautoko 15 (He Kōrero mō Te Moki Na Roka Paora). Te Tautoko 33.
- Wellington Learning Media c 1998 <http://www.learningmedia.co.nz/moecat.php>

Mā tō kaiako e whakamārama te wā kia tūtuki i tō kaupapa.

Me maumahara ki te tikanga matatika o te tohu toro mātāpuna kōrero ā tuhi, ā ipurangi rānei. Me uiui ki tō kaiako.

## Hāpono

E ai ki nga ture a Te Mana Tohu Mātauranga:

- e pono ana nāu ngā mahi i whakatakotohia ki mua i te kaiako/kaiaromatawai i mahi
- ma te kaiako/ kaiaromatawai e whakarite i te putanga mehemea –
  - he tauira ngā mahi a tētahi atu
  - i whakaahuatia i tētahi pukapuka
  - he kupu tuku iho i te ipurangi.

Ka āhei koe ki te mahi takirua, ā rōpū rānei ki te whakaemi kōrero. Ēngari me mārama te kaiaromatawai, nāu tonu i tuhi, i whakarite hoki i ngā mahi e aromatawaihia ana.

Kia tika te whakarite i te hāpono i āu mahi mehemea he ngohe tuhi me tuhi i roto i āu ake kupu, ā, ka tāpiri i te tohu toro mātāpuna kōrero, tuhi, ipurangi rānei.

Mehemea he pātai āu, kia kōtahi atu te kōrero ki tō kaiako.

<https://www.nzqa.govt.nz/providers-partners/assessment-and-moderation-of-standards/assessment-of-standards/generic-resources/authenticity/>

## NGĀ TŪMAHI AROMATAWAI A TE ĀKONGA

Ingoa

NSN #

**Tīpako 1**

Whakamāramatia te whaitake o tētahi ika Māori noho waimāori me tētahi kai mātaitai noho waimāori ki te iwi Māori.

**Tīpako 2**

Whakamāramatia ngā āhuratanga i ora tonu ai te ika Māori noho waimāori me te kai mātaitai noho waimāori i tōna taiao.

**Tīpako 3**

Whakamāramatia ngā hononga-a-taiao o te ika Māori noho waimāori me te kai mātaitai Māori noho waimāori i tō rātou taiao.

**TŪMAHI 1**

## TE IKA MĀORI NOHO WAI MĀORI

He mahi rangahau tēnei.

Tohua tētahi ika Māori noho waimāori ka rangahau i ētahi kōrero.

Ānei ētahi ika Māori ēngari ara atu: īnanga, tuna, kokopu, piharau, kowaro, paraki

Rangahautia tētahi ika Māori noho waimāori:

Me kitea ēnei whāinga –

Ka whakamārama:

- i tōna whakapapa
- i ngā tikanga Māori whaitake e pā ana ki a ia
- i tōna whai tikanga hoki ki te iwi kāinga.

Ka whakaatu i:

- ōna āhuratanga okiko
- ōna whanonga
- tōna whai mana kia ora tōna noho i tōna taiao.

Ka whakamārama i:

- tōna tūranga i tētahi tāhuhua
- tētahi hononga whaitake ki ētahi atu ika, tipu rānei
- te āhua o aua hononga mō tōna mataora i tō rātou taiao.

## TŪMAHI 2

### TE MĀTAITAI MĀORI NOHO WAI MĀORI

He mahi rangahau tēnei.

Tohua tētahi mātaitai Māori noho waimāori ka rangahau i ētahi kōrero.

Ānei ētahi ēngari ara atu: ika mātaitai ēngari ara atu: koura, kouraua, pāpaka, kākahi.

Rangahautia tētahi mātaitai Māori noho waimāori.

Ka whakamārama:

- i tōna whakapapa
- i ngā tikanga Māori whaitake e pā ana ki a ia
- i tōna whai tikanga hoki ki te iwi kāinga.

Ka whakaatu i:

- ōna āhuetanga okiko
- ōna āhuetanga whanonga
- tōna whai mana kia ora tōna noho i tōna taiao.

Ka whakamārama i:

- tōna tūranga i tētahi tāhuhua
- tētahi hononga whaitake ki ētahi atu ika, tipu rānei
- te āhua o aua hononga mō tōna mataora i tō rātou taiao.

## He pitopito kōrero: